



Annwyl Gwsmer

**Swyddfa Bost® Cwmfelin-fach  
11 Heol Maendy, Cwmfelin-Fach, Ynys-ddu, Casnewydd, NP11 7HQ**

### **Ymgynghoriad cyhoeddus lleol**

Rydym yn bwriadu i symud y gangen Swyddfa'r Post uchod i leoliad newydd, sef Fferylliaeth Cwmfelin-fach, 52 Heol Maendy, Cwmfelin-fach, Ynys-ddu, Casnewydd, NP11 7HR, lle bydd yn newid i fod yn un o'n canghennau lleol ffasiwn newydd.

#### **Pam ydym yn symud?**

Mae'r postfeistr wedi ymddiswyddo. Felly, bu'n rhaid i ni gael hyd i leoliad arall er mwyn parhau i gynnig gwasanaethau Swyddfa'r Post i'r gymuned leol.

Ein blaenoriaeth yw diogelu gwasanaethau Swyddfa'r Post i'r gymuned leol yn yr hirdymor. Bydd symud Swyddfa Bost Cwmfelin-Fach yn golygu y gallwn gynnal gwasanaeth Swyddfa'r Post i'n cwsmeriaid yn y gymuned leol.

#### **Eich cangen Swyddfa'r Post newydd**

Byddai cwsmeriaid yn cyrchu gwasanaethau Swyddfa'r Post mewn man gwasanaeth modern â chynllun agored sydd yn rhan o gownter y siop. Trwy gydweithio â'r postfeistr, byddem yn addasu patrwm presennol y siop, ynghyd â'r celfi gosod a'r ffitiadau er mwyn gwneud lle i dil Swyddfa'r Post pe bai angen. Bydd y gangen yn cynnig dewis eang o gynhyrchion a gwasanaethau Swyddfa'r Post, fel y gall cwsmeriaid ddefnyddio eu Swyddfa Bost pan mae'n gyfleus. Mae 96 y cant o gwsmeriaid yn fodlon â changhennau lleol ar eu newydd wedd, ac mae bron 20 y cant o gwsmeriaid canghennau lleol yn ymweld y tu allan i'r oriau agor traddodiadol.

#### **Ymgynghori ynglŷn â'r lleoliad newydd arfaethedig**

Rydym yn dechrau ymgynghoriad cyhoeddus lleol a hoffem gael eich barn am y cynllun. Rydym yn croesawu adborth a sylwadau a all gyfrannu at ei cynlluniau, yn enwedig ynglŷn â'r canlynol:

- Pa mor hawdd yw cyrraedd y lleoliad newydd?
- A yw'n hawdd i chi fynd i mewn i'r adeilad newydd ac i symud o gwmpas y tu mewn iddo?
- A oes unrhyw faterion cymuned leol y gallai'r symud ddylanwadu arnynt?
- Pe bai'r symud yn digwydd, a oes unrhyw beth y gallem ei wneud fel ei bod yn haws i gwsmeriaid?

Rwyf wedi amgáu taflen wybodaeth sydd yn rhoi rhagor o fanylion am y gangen newydd arfaethedig. I gael rhagor o wybodaeth neu i rannu eich sylwadau, byddwch cystal ag ymweld â'n Canolfan Ymgynghori trwy'r ddolen isod. Yna defnyddiwch y ffwythiant chwilio i gael y manylion am yr ymgynghoriad ar gyfer y gangen hon, naill ai trwy enw'r gangen, y cod post neu'r cod unigryw ar gyfer y gangen, sef 196632

[postofficeviews.co.uk](http://postofficeviews.co.uk)

Os ydych yn gynrychiolydd lleol, byddai o gymorth pe gallech rannu'r wybodaeth hon ag unrhyw grwpiau neu sefydliadau lleol yn y gymuned – er enghraifft ar hysbysfyrddau, ymhlith elusennau lleol ac mewn meddygfeydd – er mwyn helpu ein cwsmeriaid a'ch etholwyr chi i ddeall yr hyn sy'n digwydd i'r Swyddfa Bost yng Nghwmfelin-fach. Os hoffech gael cyflenwad o'r poster hyn, rhowch wybod i ni, os gwelwch yn dda.

Post Office Limited is registered in England and Wales. Registered No. 2154540.

Registered Office Finsbury Dials, 20 Finsbury Street, London. EC2Y 9AQ

Post Office and the Post Office logo are registered trade marks of Post Office Limited

Cofrestwyd Swyddfa'r Post Cyf yng Nghymru a Lloegr. Rhif Cofrestredig 2154540

Swyddfa Gofrestredig yn Finsbury Dials, 20 Finsbury Street, Llundain. EC2Y 9AQ.

Mae Swyddfa'r Post a logo Swyddfa'r Post yn nodau masnach cofrestredig i Swyddfa'r Post Cyfyngedig

**PostOffice.co.uk**

## Dyddiadau ar gyfer yr ymgynghoriad cyhoeddus lleol:

|                                              |                      |
|----------------------------------------------|----------------------|
| Yr Ymgynghoriad Cyhoeddus Lleol yn dechrau   | 19 Rhagfyr 2019      |
| Yr Ymgynghoriad Cyhoeddus Lleol yn dod i ben | 30 Ionawr 2020       |
| Mis y newid arfaethedig                      | Chwefror/Mawrth 2020 |

Rydym wedi ymrwymo i ymgysylltu â'n cwsmeriaid a'u cynrychiolwyr ac i'w cefnogi wrth i ni wneud newidiadau i rwydwaith Swyddfa'r Post. Mae'r broses ymgynghori hon yn unol a'n Hegwyddorion Ymgysylltu â'r Gymuned. Cafodd yr Egwyddorion hyn eu cytuno â Chyngor ar Bopeth, Cyngor ar Bopeth yr Alban a Chyngor y Defnyddwyr yng Ngogledd Iwerddon, sef cyrff gwarchod statudol annibynnol y defnyddwyr. Mae copi ar gael ar ddiwedd y llythyr hwn.

Diolch ichi am ystyried ein cynllun. Bydd unrhyw wybodaeth a dderbyniwn yn cael ei hystyried wrth i ni baratoi ein cynlluniau terfynol. Ar ddiwedd yr ymgynghoriad rhown wybod i chi am ein cynlluniau terfynol wrth arddangos poster yn y gangen. Os ydych yn gynrychiolydd lleol byddaf mewn cysylltiad â chi eto.

Yr eiddoch yn gywir

*Sarah Cottrell*

**Sarah Cottrell**  
**Rheolwraig Newidiadau Ardal**

[postofficeviews.co.uk](http://postofficeviews.co.uk)

[comments@postoffice.co.uk](mailto:comments@postoffice.co.uk)

Ffôn: 03457 22 33 44

Ffôn Testun: 03457 22 33 55

FREEPOST Your Comments

**Sylwch, os gwelwch yn dda, mai hwn yw'r cyfeiriad llawn i'w ddefnyddio ac nad oes angen manylion cyfeiriad eraill.**

Eisiau rhoi eich barn i ni yn y fan a'r lle – Sganiwch yma.

Os nad oes gennych sganiwr cod QR ar eich ffôn, gallwch gael hyd i un yn eich storfa ap.



Mae eitemau a anfonir trwy Radbost yn cymryd dau ddiwrnod gwaith i gyrraedd. Felly, dylid anfon sylwadau trwy Radbost mewn da bryd i gyrraedd cyn diwedd y cyfnod o ymgynghori. Nid yw diwrnodau gwaith yn cynnwys dydd Sadwrn na dydd Sul. Ni fydd ymatebion a dderbynnir ar ôl y dyddiad cau yn cael eu hystyried.

| Taflen wybodaeth Swyddfa Bost Cwmfelin-fach         |                                                                                                                                                                                                                                   |               |  |                                                                                                    |               |  |
|-----------------------------------------------------|-----------------------------------------------------------------------------------------------------------------------------------------------------------------------------------------------------------------------------------|---------------|--|----------------------------------------------------------------------------------------------------|---------------|--|
|                                                     | Lleoliad y Swyddfa Bost ar hyn o bryd                                                                                                                                                                                             |               |  | Lleoliad arfaethedig y Swyddfa Bost newydd                                                         |               |  |
| <b>Cyfeiriad</b>                                    | 11 Heol Maendy<br>Cwmfelin-fach<br>Ynys-ddu<br>Casnewydd<br>NP11 7HQ                                                                                                                                                              |               |  | Fferylliaeth Cwmfelin-fach<br>52 Heol Maendy<br>Cwmfelin-fach<br>Ynys-ddu<br>Casnewydd<br>NP11 7HR |               |  |
| <b>Oriau agor y Swyddfa Bost</b>                    | Llun                                                                                                                                                                                                                              | 09:00 – 17:30 |  | Llun                                                                                               | 09:15 – 16:00 |  |
|                                                     | Mawrth                                                                                                                                                                                                                            | 09:00 – 17:30 |  | Mawrth                                                                                             | 09:15 – 16:00 |  |
|                                                     | Mercher                                                                                                                                                                                                                           | 09:00 – 17:30 |  | Mercher                                                                                            | 09:15 – 16:00 |  |
|                                                     | Iau                                                                                                                                                                                                                               | 09:00 – 17:30 |  | Iau                                                                                                | 09:15 – 13:00 |  |
|                                                     | Gwener                                                                                                                                                                                                                            | 09:00 – 17:30 |  | Gwener                                                                                             | 09:15 – 16:00 |  |
|                                                     | Sadwrn                                                                                                                                                                                                                            | 09:00 – 12:30 |  | Sadwrn                                                                                             | Ar gau        |  |
|                                                     | Sul                                                                                                                                                                                                                               | Ar gau        |  | Sul                                                                                                | Ar gau        |  |
|                                                     |                                                                                                                                                                                                                                   |               |  |                                                                                                    |               |  |
| <b>Pellter</b>                                      | 45 metr o'r gangen bresennol, ar hyd tir bryniog.                                                                                                                                                                                 |               |  |                                                                                                    |               |  |
| <b>Cynhyrchion a gwasanaethau</b>                   | Bydd dewis eang o gynhyrchion a gwasanaethau ar gael o hyd.                                                                                                                                                                       |               |  |                                                                                                    |               |  |
| <b>Mannau gwasanaeth</b>                            | Bydd un man gwasanaeth Swyddfa'r Post wrth gownter y siop a bydd ar gael pan fydd y siop ar agor.                                                                                                                                 |               |  |                                                                                                    |               |  |
| <b>Hygyrchedd</b>                                   | <b>Mynediad a chyfleusterau</b><br>Byddai gan yr adeilad arfaethedig ddrws llydan a ramp y tu mewn. Hefyd, y tu mewn, byddai dolen glyw a lle i gadair olwyn.<br><br><b>Parcio</b><br>Mae modd parcio gerllaw wrth ymyl y ffordd. |               |  |                                                                                                    |               |  |
| <b>Y siop</b>                                       | Fferylliaeth                                                                                                                                                                                                                      |               |  |                                                                                                    |               |  |
| <b>Yr ymgynghoriad cyhoeddus lleol yn dechrau</b>   | 19 Rhagfyr 2019                                                                                                                                                                                                                   |               |  |                                                                                                    |               |  |
| <b>Yr ymgynghoriad cyhoeddus lleol yn dod i ben</b> | 30 Ionawr 2020                                                                                                                                                                                                                    |               |  |                                                                                                    |               |  |
| <b>Mis y newid arfaethedig</b>                      | Chwefror/Mawrth 2020                                                                                                                                                                                                              |               |  |                                                                                                    |               |  |

**I gael yr wybodaeth hon mewn fformat gwahanol, er enghraifft, print bras, sain neu braille, ffoniwch 03457 22 33 44 neu 03457 22 33 55 (ffôn testun).**

## Gwasanaethau ar gael yn Swyddfa Bost® Cwmfelin-fach

**I gael gwybodaeth ynghylch cynhyrchion sydd ar gael ffoniwch 03457 223344. Gallwch gael manylion am werth uchaf trafodion drwy siarad â'r sawl sydd y pen arall i'r ffôn. Hefyd, gall cwsmeriaid siopa ar-lein yn [www.postoffice.co.uk](http://www.postoffice.co.uk)**

|                                                                                                                                                           | Y gangen bresennol        | Y gangen newydd            |
|-----------------------------------------------------------------------------------------------------------------------------------------------------------|---------------------------|----------------------------|
| <b>Post</b>                                                                                                                                               |                           |                            |
| Post Dosbarth Cyntaf ac Ail Ddosbarth                                                                                                                     | ✓                         | ✓                          |
| Stampiau, llyfrau stampiau (Dosbarth 1af: 6 a 12 yn unig, 2il Ddosbarth: 12 yn unig)                                                                      | ✓                         | ✓                          |
| Stampiau arbennig (dyroddiad y Nadolig yn unig) a labeli post                                                                                             | ✓                         | ✓                          |
| Signed For                                                                                                                                                | ✓                         | ✓                          |
| Special Delivery                                                                                                                                          | ✓                         | ✓                          |
| Dychweliadau siopa o gartref                                                                                                                              | ✓                         | ✓                          |
| Parseli mewndirol bach, cymedrol a mawr                                                                                                                   | ✓                         | ✓                          |
| Parseli Express a chontract                                                                                                                               | ✓                         | <b>Express 24 &amp; 48</b> |
| Post Lluoedd Prydain (BFPO)                                                                                                                               | ✓                         | ✓                          |
| Llythyron a chardiau post rhyngwladol (yn cynnwys Tracked & Signed)                                                                                       | ✓                         | ✓                          |
| Parseli Rhyngwladol hyd at 2kg a phapurau printiedig hyd at 5kg                                                                                           | ✓                         | ✓                          |
| Parseli Parcelforce Worldwide Rhyngwladol                                                                                                                 | ✓                         | x                          |
| Eitemau i'r Deillion (mewndirol a rhyngwladol)                                                                                                            | ✓                         | ✓                          |
| Gwasanaeth ailgyfeirio'r Post Brenhinol                                                                                                                   | ✓                         | ✓                          |
| Local Collect                                                                                                                                             | ✓                         | ✓                          |
| Drop & Go                                                                                                                                                 | ✓                         | ✓                          |
| <b>Codi arian, adneuron a thaliadau</b>                                                                                                                   |                           |                            |
| Cyfrif Cerdyn Swyddfa'r Post                                                                                                                              | ✓                         | ✓                          |
| Bancio Personol a Busnes: codi arian, adneuron ac ymholiadau balans wrth ddefnyddio cerdyn. Hefyd, adneuo sieciau mewn amlen a slipiau adneuo â chod bar. | ✓                         | ✓                          |
| Archebion Post                                                                                                                                            | ✓                         | ✓                          |
| Moneygram                                                                                                                                                 | ✓                         | ✓                          |
| Rhoi newid                                                                                                                                                | ✓                         | ✓                          |
| <b>Talu Biliau</b>                                                                                                                                        |                           |                            |
| Taliadau bil awtomatig (cerdyn neu fargod)                                                                                                                | ✓                         | ✓                          |
| Adlenwi allweddi                                                                                                                                          | ✓                         | ✓                          |
| <b>Gyrru</b>                                                                                                                                              |                           |                            |
| Treth y car                                                                                                                                               | ✓                         | x                          |
| <b>Licences</b>                                                                                                                                           |                           |                            |
| Trwyddedau pysgota â gwialen                                                                                                                              | ✓                         | ✓                          |
| <b>Travel</b>                                                                                                                                             |                           |                            |
| Arian Teithio wedi'i archebu o flaen llaw                                                                                                                 | ✓                         | ✓                          |
| Arian Teithio ar gais                                                                                                                                     | <b>Ewros</b>              | x                          |
| Atgyfeirio yswiriant teithio                                                                                                                              | x                         | ✓                          |
| Yswiriant teithio ar gais                                                                                                                                 | ✓                         | x                          |
|                                                                                                                                                           |                           |                            |
| Adlenwadau ffonau symudol ac E-dalebau                                                                                                                    | ✓                         | ✓                          |
| <b>Talu â siec</b>                                                                                                                                        |                           |                            |
|                                                                                                                                                           |                           |                            |
| Mae cynhyrchion wedi eu nodi â x ar gael yn Swyddfa Bost <b>Coed-duon</b> , Uned 7, Y Farchnad, Coed-duon, NP12 1AU                                       | Oriau agor:<br>Llun – Sad | 09:00 - 17:30              |

## **Egwyddorion Ymgysylltu â'r Gymuned ynghylch newidiadau i rwydwaith Swyddfa'r Post**

Rydym wedi ymrwymo i ymgysylltu â'n cwsmeriaid a'u cynrychiolwyr ac i'w cefnogi wrth i ni wneud newidiadau i rwydwaith Swyddfa'r Post. Dilyniir yr egwyddorion a ganlyn wrth gyfathrebu am newidiadau i'ch cangen Swyddfa'r Post leol.

Byddwn yn **Hysbysu** – pan fyddwn yn rhoi gwybod i gwsmeriaid am newidiadau ynghylch:

- Oriau Agor
- Cau dros dro<sup>1</sup>/ ymyriad dros dro i wasanaeth
- Ailagor cangen a gaewyd dros dro yn yr un safle
- Agor cangen newydd nad yw'n ymwneud â changen a gaewyd yn flaenorol
- Lleoliad yn cael ei ddefnyddio gan Swyddfa Bost Symudol mewn cymuned.

Byddwn yn gosod poster yn y gangen (neu gerllaw os yw hynny'n priodol) er mwyn hysbysu cwsmeriaid am y newidiadau uchod, gan roi pedair wythnos o rybudd. Pan nad oes modd rhoi pedair wythnos o rybudd, byddwn yn rhoi rhybudd cyn gynted ag y gallwn. Ar gyfer pob cau dros dro, byddwn yn cynnwys manylion am y Swyddfeydd Post eraill agosaf a'n llinell gymorth / ffôn testun i gwsmeriaid.

Byddwn yn **Ymgysylltu** – pan fyddwn yn ceisio adborth am benderfyniad a wnaed ynghylch:

- Ailagor cangen a gaewyd dros dro mewn lleoliad newydd (os yw cangen wedi bod ar gau am fwy na thri mis)
- Masnachfreintio cangen â Rheolaeth-Uniongyrchol yn ei safle cyfredol.

Er y gwnaed y penderfyniad i fwrw ymlaen, byddwn yn croesawu awgrymiadau ynghylch agweddau penodol ar y newid, megis trefniadau mynediad a'r dyluniad mewnol. Byddwn yn rhoi pedair wythnos o rybudd neu, os yw amgylchiadau esgusodol yn atal hyn, byddwn yn rhoi cymaint o rybudd â phosibl.

Yn ystod y cyfnod hwn byddwn yn gosod poster yn y gangen ac yn darparu gwybodaeth ar-lein. Byddwn yn cysylltu â chynrychiolwyr etholedig lleol<sup>2</sup>, y Cyrff Eirioli Defnyddwyr ac elusennau dewisol<sup>3</sup>, i roi gwybodaeth glir am unrhyw newidiadau i wasanaethau neu drefniadau ynghylch mynediad i'r gangen. Byddwn yn gofyn i gynrychiolwyr etholedig lleol rannu gwybodaeth trwy gyfryngau cymunedol eraill (megis hysbysfyrddau, elusennau lleol, cylchgronau, meddygfeydd, etc.). Byddwn yn cyhoeddi canlyniad yr ymgysylltiad ar-lein ac yn y gangen, gan roi crynodeb o'r materion allweddol a godwyd, ynghyd ag ymateb i bob un ac unrhyw newidiadau a wnaed i'n cynlluniau gwreiddiol.

Byddwn yn **Ymgynghori** – pan fyddwn yn chwilio am ymateb i argymhellion cyn gwneud penderfyniad ynghylch:

- Cau cangen Swyddfa'r Post<sup>4</sup> yn barhaol
- Adleoli cangen Swyddfa'r Post yn barhaol (gan gynnwys masnachfreintio cangen â Rheolaeth-Uniongyrchol i safle newydd).

Byddwn yn cynnal ymgynghoriad cyhoeddus lleol dros gyfnod o chwe wythnos<sup>5</sup> er mwyn rhoi gwybod i gynrychiolwyr etholedig lleol, Cyrff Eirioli Defnyddwyr ac elusennau dewisol am yr argymhelliad. Bydd yr wybodaeth hon ar gael hefyd ar-lein ac ar gyfer cangen â Rheolaeth Uniongyrchol cyflwynir datganiad newyddion i'r cyfryngau lleol. Byddwn yn gofyn i gynrychiolwyr etholedig lleol rannu gwybodaeth trwy gyfryngau cymunedol eraill (megis hysbysfyrddau, elusennau lleol, cylchgronau, meddygfeydd, etc.).

Bydd yr ymgynghoriad yn golygu gofyn cwestiynau penodol pan fyddwn yn dymuno cael adborth ynghylch mynediad i wasanaethau Swyddfa'r Post a bydd yn cadarnhau dyddiad y newid os taw'r penderfyniad yw i fwrw ymlaen. Byddwn yn rhoi gwybodaeth glir am unrhyw newidiadau i wasanaethau yn ogystal â mynediad i'r gangen newydd a'r tu mewn iddi.

Rydym yn croesawu pob adborth ac mae'r holl ffactorau isod yn cael eu hystyried wrth i ni wneud ein penderfyniad; disgwylir y gwneir y penderfyniad hwnnw o fewn pedair wythnos i ddiwedd yr ymgynghoriad:

- Mynediad cwsmeriaid i, i mewn i a'r tu mewn i'r gangen /canghennau newydd neu amgen, gydag ystyriaeth benodol i ddefnyddwyr sydd yn agored i niwed
- Unrhyw faterion cymunedol lleol a allai gael eu heffeithio gan yr argymhelliad neu ddylanwadu arno.

Ar ddiwedd y broses ymgynghorol byddwn yn ysgrifennu at gynrychiolwyr etholedig lleol, Cyrff Eirioli Defnyddwyr ac ymatebwyr i'r ymgynghoriad (os yw hynny'n ymarferol) er mwyn cadarnhau ein penderfyniad a rhoi crynodeb o'r materion allweddol a godwyd, ynghyd ag ymateb clir i bob un. Bydd yr wybodaeth ar gael ar-lein ac yn y gangen (pan fo hynny'n bosibl).

***Cafodd yr Egwyddorion hyn eu cytuno â Chyngor ar Bopeth, Cyngor ar Bopeth yr Alban a Chyngor y Defnyddwyr yng Ngogledd Iwerddon, sef cyrff gwarchod statudol annibynnol y defnyddwyr.***

*Beth i'w wneud os ydych yn teimlo na ddilynwyd yr Egwyddorion hyn:*

Cysylltwch â ni fel y gallwn ymchwilio i'ch cwyn. Yn ein hymateb byddwn yn esbonio a ydym yn credu ein bod wedi dilyn ein Hegwyddorion Ymgysylltu â'r Gymuned a chewch y manylion cyswllt ar gyfer y corff gwarchod defnyddwyr priodol (Cyngor ar Bopeth, Cyngor ar Bopeth yr Alban neu Gyngor y Defnyddwyr yng Ngogledd Iwerddon) os nad ydych yn fodlon â'n hymateb. Bydd y corff gwarchod yn gwneud asesiad annibynnol i ganfod a ydych wedi dilyn y broses Egwyddorion Ymgysylltu â'r Gymuned (yn hytrach na'r penderfyniad ei hun) ac yn argymhell unrhyw weithredu ynghylch y gŵyn).

**postofficeviews. co.uk.**

**comments@postoffice.co.uk**

**FREEPOST Your Comments**

**Ffoniwch: 03457 22 33 44**

**Ffôn Testun: 03457 22 33 55**

<sup>1</sup> Rhoddwn ddiweddariad i gynrychiolwyr etholedig lleol os nad yw statws y gangen sydd ar gau dros dro wedi newid ar ôl 12 mis.

<sup>2</sup> Mae cynrychiolwyr etholedig lleol yn cynnwys ond heb fod yn gyfyngedig i'r Aelod Seneddol, Senedd yr Alban, Cynulliad Cymru, neu Gynulliad Gogledd Iwerddon, Prif Weithredwr yr Awdurdod Lleol, Cyngorwyr Ward, Y Cyngor Cymuned neu'r Cyngor Plwyf.

<sup>3</sup> Yr elusennau dethol yw Cyngor ar Bopeth, Age UK, Disability Action Gogledd Iwerddon a Rhwydwaith Cymunedau Gwledig Gogledd Iwerddon. Anogir y sawl y cyfeirir atynt yn 2 a 3 uchod i rannu pob gwybodaeth â grwpiau a sefydliadau lleol a allai fod a diddordeb gweithredol mewn newidiadau i'w Swyddfa Bost leol.

<sup>4</sup> Gall fod nifer fach o achosion pan, oherwydd amgylchiadau y tu hwnt i'n rheolaeth, nad oes gennym unrhyw ddewis ond i gau cangen mewn lleoliad penodol yn barhaol. Mewn achosion o'r fath byddwn yn ceisio adborth ynghylch darpariaeth Swyddfa'r Post amgen yn yr ardal.

<sup>5</sup> Os yw'r ymgynghoriad yn cynnwys mwy na phedair wythnos ym mis Gorffennaf yn Yr Alban a Gogledd Iwerddon neu fwy na phedair wythnos ym mis Awst yng Nghymru a Lloegr, byddwn yn estyn y cyfnod am un wythnos galendr. Ni fyddwn yn dechrau unrhyw ymgynghoriadau cyhoeddus lleol yn ystod y bythefnos sydd yn cynnwys gwyliau banc y Nadolig a'r Flwyddyn Newydd.